



MINISTÉRIO DA AGRICULTURA, PECUÁRIA E ABASTECIMENTO
Ministério da Agricultura, Pecuária e Abastecimento, BLOCO D – Bairro Zona Cívico- Administrativa, Brasília
DF, CEP 70043900
Telefone: +55 61 32182832, <http://www.agricultura.gov.br>

---neslužbeni prevod---

ANEKS 1 (Memorandum br. 28/2017/DSA-SDA/SDA/MAPA)

USLOVI ZA LICENCIRANJE FARMI / INKUBATORSKIH STANICA

Kako bi se stavke sa liste provjerile, potrebno je da ovlaštteni veterinar obavi pregled na licu mjesta, koji će također navesti u izvještaju o procjeni, uz ostale dokumentovane dokaze na uvid.

Samo objekti koji u potpunosti ispunjavaju listu mogu biti uzeti u obzir za licenciranje.

1. Farme/inkubatori su registrovani i pod supervizijom službenog ureda za veterinarstvo
2. U kompleksu objekata su smještene ptice samo jedne vrste i iste dobi
 - pod terminom „farma“ podrazumijeva se proizvodna peradarska jedinica u kojoj je smještena jedna grupa ptica iste vrste, koja se sastoji od jednog ili više kompleksa objekata;
 - pod terminom „kompleks objekata“ podrazumijeva se jedinica za peradarsku proizvodnju, koji se sastoji od jednog ili više objekata u kojim su smještene ptice iste vrste i dobi
3. Farma ispunjava sljedeće unutrašnje dimenzije
 - a. minimalna razdaljina između kompleksa objekata i perifernih granica farme: 200m (dvije stotine metara)
 - b. minimalna razdaljina između kompleksa objekata: 300m (tri stotine metara)
4. Podovi u objektima su betonski
5. Objekti imaju žičane mreže sa okicama promjera maksimum 2,5cmx2,5cm ili sistem zračnih tunela
6. Farma ima sigurnosne ograde
7. Kompleksi objekata imaju izolacijske ograde od minimum 1m visine na minimum 10 m udaljenosti
8. Farma i kompleksi objekata imaju tablice na kojima se nalazi obavještenje o zabrani ulaska neovlaštenom osoblju u dio za proizvodnju
9. Farma ili kompleks objekata imaju minimalno sljedeću strukturu:
 - a. proizvodni dio
 - b. garderoba i sanitarni čvor na ulazu u kompleks

- c. kancelariju
 - d. skladište za jaja
 - e. magacin
 - f. prostorija za dezinfekciju materijala i opreme
 - g. mjesto za pranje i dezinfekciju vozila
10. Inkubatorska stanica podijeljena je na administrativni i tehnički prostor koji su fizički odijeljeni, oba sa posebnom ventilacijom i jednosmjernim strujanjem zraka. Radni dio ima samo jedan ulaz za osoblje, opremu i materijal. Tehnički dio inkubatorske stanice ima, minimalno, sljedeću strukturu:
- a. prostorija za prijem jaja
 - b. prostorija za dezinfikovanje jaja
 - c. prostorija za skladištenje jaja
 - d. prostorija za inkubaciju
 - e. prostorija za izlijeganje
 - f. prostor za selekciju, seksiranje, vakcinaciju, pakovanje i skladištenje pilića
 - g. prostor za otpremanje pilića
 - h. prostor za rukovanje vakcinama
 - i. prostor za čišćenje i dezinfekciju opreme
 - j. svlačionica i sanitarni čvor
 - k. kantina
 - l. kancelarija
 - m. magacin sa kutijama
 - n. prostorija sa mašinama i generatorima
11. Zabranjeno je uzgajanje drugih životinja u unutrašnjosti objekata
12. Posjetioci prolaze kroz isti proces kao i zaposleni
13. Posjetioci smiju ući na farmu samo ukoliko nisu imali nikakav kontakt sa pticama u prethodna 3 (tri) dana
14. Radnici koriste čistu garderobu i obuću
15. Vršiti se kontrola i evidencija ulaska i izlaska osoblja
16. Vršiti se kontrola i evidencija ulaska i izlaska vozila
17. Vozila se dezinfikuju na ulasku i izlasku iz objekta/inkubatorske stanice
18. Mikrobiološka analiza vode koju konzumiraju ptice vrši se najmanje na svakih 6 mjeseci
19. Primjenjuje se program kontrole štetočina (insekata i glodara), te se drži evidencija o istom
20. Na prilazima se primjenjuju higijensko-sanitarne mjere (obavezno navedene na info tabli) u cilju izbjegavanja kontaminacije čistog dezinficiranog materijala koji se treba koristiti u proizvodnji
21. Postoje adekvatne i evidentirane procedure za odvođenje iskorištenih voda, mrtvih ptica, odbačenih jaja, stajnjaka i ambalaže, koje garantuju biosigurnost ustanove
22. Jaja se sakupljaju redovno, u čiste i dezinficirane posude
23. Nakon sakupljanja, čista jaja se dezinfikuju što je brže moguće
24. Prljava, slomljena i napuknuta jaja se sakupljaju u posebne posude i nisu namijenjena izvozu ili proizvodnji jednodnevnih pilića
25. Jaja se otpremaju direktno iz magacina u inkubatorsku stanicu ili mjesto za izvoz
26. Jednodnevni ptići se otpremaju direktno na mjesto ukrcavanja
27. Jaja se u školjkama i kutijama prevoze u prikladnim zatvorenim vozilima i dezinfikuju se prije svakog ukrcavanja
28. Kartonske kutije i školjke se koriste samo jedan put
29. Transportno vozilo se čisti i dezinfikuje prije svakog ukrcavanja

30. Zajednički postupci sa jednodnevnim ptićima ili rasplodnim jajima za izvoz su dozvoljeni ukoliko dolaze iz ustanova istog sanitarnog statusa koje su licencirane za izvoz u Brazil
31. Matičnom jatu iz kojeg potiču jaja/pilići za izvoz aplicira se vakcina protiv bolesti Newcastle
32. U inkubatorima, prije otpremanja pilića za izvoz, aplicira se vakcina protiv Marekove bolesti
33. Farma ima program za čišćenje i dezinfekciju koji se izvršava u objektima nakon iseljenja svakog jata ptica
34. Vodi se evidencija premiještanja ptica i jaja, programa vakcinacije i korištenih lijekova za svako jato ptica
35. Vodi se evidencija datuma posjete veterinara unajmljenog od strane firme i njegovih preporuka, te službenog veterinarskog ureda
36. Ustanova ima dokument o biosigurnosti koji sadrži barem informacije o:
 - a. fizičkim barijerama
 - b. kontroli pristupa i prolaska vozila i osoba
 - c. mjerama sigurnosti hrane i vode
 - d. programu vakcinacije grupa ptica
 - e. planu za nepredviđene slučajeve za bolesti koju su subjekt službenih kontrola
 - f. planu za obuku kadra
 - g. mogućnosti praćenja ptica i inkubiranih jaja, te određite neinkubiranih jaja, na farmama i u inkubatorima
37. Odmah se prijavljuje bilo kakva promjena epizitološke situacije ili pojava kliničkih simptoma koji ukazuju na ptičju gripu i Newcastle bolesti
38. Provodi se i evidentira program nadzora za ptičju gripu, Newcastle bolest, *Salmonella enteritidis*, *S. typhimurium*, *S. gallinarum*, *S. pullorum* i *Mycoplasma gallisepticum*, *M. Synoviae* i *M. Melleagridis* (čurke). Testovi se provode u službenim ili akreditovanim laboratorijama.